

**ILUARSISSUT**

Saqqummiussissut 22. august 2022-meersoq taarserpaa  
(Oqaasertaasigut iluarsiisoqarpoq)

**Uunga siunnersuut:**

**Inatsisartunut Naalakkersuisunullu il. il. ilaasortat aningaasarsiaqartitaanerat il. il.**

**pillugit Inatsisartut inatsisaata allanngortinneqarneranik Inatsisartut inatsisaat**

(Inatsisartut ataatsimiinnerannut atatillugu ilaqtutanik ingiallorqeinqarsinnaanermik  
annertusiineq)

**Saqqummiussissut**

(Inatsisartut Siulittaasuut)

**Siullermeerneqarnera**

Matumuuna Inatsisartunut Naalakkersuisunullu il.il. ilaasortat aningaasarsiaqartitaanerat il.il.  
pillugit Inatsisartut inatsisaata allanngortinneqarnissaanik siunnersuut Siulittaasoqarfik  
sinnerlugu saqqummiutissavara.

Inatsisartunut ilaasortat Nuummi najugaqanngitsut ataatsimiinnermut atatillugu ilaqtutanik  
ingiallorqeinqarsinnaatitaanerisa annertusinissaat siunnersuutip malitsigissavaa.

Nalinginnaasumik ukiumut ataatsimiinnerit marluk Inatsisartut ingerlattarpaat, tamarmik  
qaammatinik marlunniit pingajuata qeqqa tikillugu sivissuseqartartut. Naluneqanngitsutut  
Inatsisartunut ilaasortanut Nuummi najugaqanngitsunut meeralinnullu ataatsimiinnernut  
peqataasarneq ilaqtariinnermut pikkunarsinnaasarloq.

Ingammik ilaasortanut meeqqaminnik kisermaassisunut ataatsimiinnernut peqataaneq  
ajornartorsiutitaqarsinnaasarluni.

Atukkut tamakkua innuttaasut Nuummi najugaqanngitsut naalakkersuinikkut  
tunniussassaqarluarsinnaagaluartut Inatsisartunut qineqqusaanngitsoorsinnaanerannik  
kinguneqarsinnaapput. Imaluunniit meeqqami pisariaqartitaannik tunniussaqarsinnaanissamut  
atuuffik ataqatigiissitsiffiunngitsutut misigalugu qinigaanerup kingorna tunuarnissaq  
pisinnaalluni.

Tamanna ajuusaarnaannarani – innuttaasut oqartussaaqataanerat eqarsaatigalugu  
ajornartorsiutitut oqaatigineqartariaqarpoq.

Inatsisartut ataatsimiinnerisa ingerlanneqartarnerannut killiliussat sapinngisamik tamanna isiginiarlugu ilusilerneqartaeiaqarput.

Tamanna tunngavigalugu, ilaqtutanik ingiallorqebarnermut aaqqissuussinerup annertusinissa, tassa Inatsisartunut ilaasortat Nuummi najugaqanngitsut qaammatisiutini ukiut affakkaarlugit ataasiarlutik ilaqtaminnik ingiallorqebarnerat pisinnaatitaaffiussasoq, imaalillunilu ilaasortat meerartallit aappaminnit ilagineqanngikkunik meeqqat paaqqutarinissaannut ikiortaasinnaasumik inersimasumik allamik ingiallorqebarnerat periarfissaqalernissaat Siulittaasoqarfip siunnersuutigaa.

Siunnersummut itisiliinerunissamut siunnersummut nassuaatit innersuunneqarput.

Siunnersuut pillugu ilaasortat oqallilluarnissaannik Siulittaasoqarfik kissaassivoq.